



Inatsisartunut ilaasortaq  
Sofia Geisler  
Inuit Ataqtigiit

## **Utoqqarnik isumassuineq pillugu § 37 naapertorlugu apeqqummut 327-imut akissut**

Asasara Sofia Geisler

Apeqqutinnut qjanaq.

**Nappaateqalersimaneq imaluunniit nunaqarfimmi utoqqarnik sullissisussaarunnera pissutigalugu utoqqarnik isumaginnineq qulakkeerneqarsinnaajunnaarpat utoqqalisimasup illoqarfimmut nuunnissaanik oqartussaasuniit kaammattuisoqarsimatillugu:**

30-10-2019  
Suliap normua. 2019 - 22790  
Akt. id. 11894755

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: iian@nanoq.gl  
www.naalakkersuisut.gl

### **1. Angalanermut pisattallu assartornerannut aningaasartuutit kiap akiligassarivai?**

Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq malillugu utoqqaat namminneq angerlarsimaffimminniiginnarsinnaangitsut kommunimi utoqqarnik paaqqinniffimmut nuunniarlutik qinnuteqarsinnaapput. Najugaqarfigisami kommuni neqerooruteqarsinnaangippat aammalu assersuutigalugu illoqarfimmi qanittumi inissamik neqerooruteqartoqarpat nuunnermut atatillugu aningaasartuutit akilernissaannut kommunip ikiuunnissaa pissusissamisuusaaq.

Utoqqalinersiaqarneq pillugu Inatsisartut inatsisaanni nr. 20, 23. november 2015-meersumi § 17, imm. 1 aamma Utoqqalinersiaqarneq pillugu Namminersorlutik Oqartussat nalunaarutaanni nr. 21, 29. december 2015-meersumi § 1 malillugit aningaasaqarnermut tapinik saniatigullu tapinik tunniussisoqarsinnaavoq.

Utoqqalinersialimmut aningaasaqarnikkut immikkut ittumik ajornartorsiuteqartumut imaluunniit utoqqalinersialik aningaasaqarnikkut annertuumik ajornartorsiuteqalernissaa ilimanaateqarpat, aningaasaqarnermut tapit saniatigullu tapit tunniunneqarsinnaapput.

### **2. Inigisassamut neqeroorutigineqartumut iserternermi depositumip akiligassap akilernissaanut kina akisussaava?**

Inigisassamut iserternermi qularnaveeqqusiissutissap akilernissaanut innuttaasoq nammineerluni akisussaasuvoq. Siulianili aalajangersakkat

eqqaaneqartut naapertorlugit innuttaasoq nammineerluni akiliisinnaangippat qularnaveeqqusiissut kommunalbestyrelsimit akilerneqarsinnaavoq.

**3. Suut tunngavigalugit angalanissamut / pisattat nassiunnissaannut / depositumip akilernissaanut pisortat itigartitsisinnaanerannut?**

Siulianili aalajangersakkat eqqaaneqartut malillugit innuttaasoq nammineerluni akiliisinnaangippat angalaneg, pisattat assartornerat aamma / imaluunniit qularnaveeqqusiissut taamaallaat kommunalbestyrelsimit akilerneqarsinnaapput.

**a. Utoqqanngortup nammineq illoqarnera tassungalu  
akiitsoqannginnera innersuussutigalugu pisortat  
itigartitsisinnaappat?**

Aap.

**4. Napparsimalerneq aamma / imaluunniit sulisussaaleqineq pissutigalugu utoqqaat isumagineqarnerisa qulakkeerneqarsinnaajunnaarnera pissutigalugu nunaqarfigisamiit illoqarfimmut utoqqalisimasoq nuuttoqartariaqalerpat pisortat akiliissappata piumasaqaatit suuppat?**

Siuliani aalajangersakkat eqqaaneqartut malillugit innuttaasup nammineerluni akiliisinnaanginnissaa nalinginnaasumik piumasaqaataavoq.

Aamma apeqqummut 1-imut akissut takuuk.

Utoqqarnik isumassuinissamut neqeroorutinik utoqqaallu atugarissaarnissaannik qulakkeerrinninnissamik ilaatigut imaqtartussamik Naalakkersuisut utoqqarnut politikkimik suliaqarnissaminnut piareersarnerat naggasiutigalugu ilisimatitsissutigineqarsinnaavoq.

Inussiarnersumik inuulluaqqusillunga

  
Martha Abelsen